

復  
初  
齋  
詩  
集

復初齋詩集卷第六

大興 翁方綱 正三

藥洲集五

己丑二月至十二月

仲春舟發廣州詠懷九首

五十日春雨過于九夏潯羊城歌管氣炙熱不可沃仲  
月暄轉涼沈雲霽猶續牂牁江江西來三峽想新綠逕去  
峽下聽玲瓏漱飛玉

禹山猶未陟今春陟番山活活泥巷中捫此簣石頑圖

經載繙閱溯自秦以還我費五年力手剔千厓斑續錄

刺史碑梁日訂已艱

梁時書目有廣州刺史碑十二卷

洗爵問禮器僅

辨至正間誰勒九曜字創聞誇市闌

廣州府西街近出一石上刻九曜石

三字太守願  
君買置府廨

瀛洲亭東竹水抱筠更青不見五春餘想夾花冥冥謝

郎擅三長

蘊山方預修國史

姚子讐六經

雪門入直武英殿

同學呂與

李

呂陶邨李敬堂

簪佩交華星是春

帝視學葺廟

親勒銘又出周時器備陳

孔子庭二月夾鐘奏大樂中和聽煌乎吉甫作豈止魯

頌駟諸賢各濡筆綠戶交紅樞時應却夢我賡唱于此

亭

橫街舊東鄰

謂舊石

手稿自刪拾五六年前見三十卷成

集小長蘆釣師應苦追太急昨書道昔非留一猶去十

余益離索深何階方便及覓乎丁敬禮佳惡臆難執  
夜與婦翁話滄溪瀾溪南我昔曾客處孤村遠澄潭村  
中多長者雜坐於槐柳都不識文字但講麻麥蠶杏花  
壟一帶意到紅望酣斜照黃犢際有童弗舉籃諸生各  
袖書微風遞開函遂已逾十載此景翁獨諳軟語舊書  
紳喧節新盍簪藥洲又鸞囀初漲綠影涵

陸兄有寄語臘月已抵都懃懃敘契濶欸欸問妻孥冰  
雪萬里路冠蓋九陌途比鄰來借問黃金橐充無冷面  
淡情性曳履上天衢慈恩寺塔下已少高岑徒惟應端  
州院聽雨擬兩蘇

林子貧奉母四十始受官來倅羅浮下萬里營一餐書

云茲月初舟發浙江干官卑才復拙退塞進亦難豈知  
乘輅人啓處不敢安春月每起航究觀於波瀾

北江流可仰西峽水轉平午潮及晚落忽露沙尾橫斜  
陽半江出雙櫓搖空明長風控弦來猛與去箭爭飛流  
瞰萬里舊有亭可登三江三峽脈一束賴一城崧臺三  
面山奇哉聽江聲

五權廣州春四由肇慶始相慮臨允來注水壯南紀上  
臺下石室洞穴相表裏天樞運權衡七點碧交紫百神  
觴豆處遺字洩宛委八窻珠斗下諸生携研几知有解  
人否可與捫讀此豈惟坐巖陰琤琤弄凹水

得綠亭四首

老樹空庭得昔聞  
南郭吟可能人比木  
莫說古猶今  
春日發生意初來  
栽種心躊躇  
憶五載卷幔北窗陰

渺渺端江雨  
年年輟棹聽  
七巖音迭奏  
三峽遠尤青  
橘櫟槐榆氣璇璣  
樞斗靈雲英與水  
碧一受以寒廳  
陰崖誰斲壯石墨  
我窮披蝟扁飛翔  
下琅函甲乙收霧  
蟠丹篆曉風散紫  
琳秋變幻雲霞色  
平看況有樓

蘭葉吹新暖  
蕉陰映晚涼  
鳥鳴簷四角  
人坐翠中央  
一片袖襟裏  
自然薝蔔香  
不須煩比喻  
更以樹名堂

亭後樹人

堂巨山少宰所題

### 莫春肇慶使院四首

新題艸隸上新椽  
磨墨江磯信墨緣

院臨端江予題後齋曰墨緣

院論文三月尾聖牆大字百年前

院壁在茲二大字崇禎甲戌冬知肇慶府

事溫陵陳烜奎書

時時閉目參心省處處空音借雨傳可但帖

經燈火下閑徵風味到青編

窻邊蠹望最龍慈接葉低枝院院同暖帶蜂聲相匝

綠非雨氣亦溟濛七星巖抱菱荷沼四季桃開水月宮

在大巖口正是茶棉二三月香來都落小關中

杳靄虛無吐納閒重青疊翠渺迴環千帆湘浦西來水

幾點新州對岸山八牖層臺濃似畫

院與崧臺相望臺卽今閩江樓衆

峯三面勢如彎北樓尚苦危梯裊未得扶闌冒雨攀

嶺西州視此州先口耳薰陶近六年邃密商量猶貌襲

光晶浸潤豈言傳溪蠻學語推聲病巖洞摹書講廓填

矻矻二生朝夕叩不知何用廢餐眠

歐葉二學官曰求講詩律寫小楷

家模冊歌

并引

德慶州學官進取奉家模冊來屬書其後進取爲揭陽  
東崖襄敏公裔孫東崖與吾冰崖公同爵同謚忠謹謨  
畧先後著聲勝國而小子家先世畫像之失久矣冊凡  
二十九幅自唐諫議文饒公宋補闕用亨公六桂以來  
暨我十一世祖明翰林檢討醉庵公十世祖宮保戶部  
尚書冰崖公九世祖工部都水主事謙謙公簪笏儼然  
金紫相望忠孝典型具在蓋吾家由莆田遷北京幾三  
百年以來未睹之儀容小子一旦獲敬拜焉旣命工摹  
之以俟歸而告藏於家廟迺作是歌



吾家北京歲丁卯乙科起自水部郎到今二百六十載

支分南北難具詳小子甲戌始讀譜諸派爲目閩爲綱

閩又莆田冠於首次第乃及延福漳刺桐花開刺桐巷

朱紫衣滿朱紫坊

宋尙書禮部員外郎殿中丞上柱國伯起公所居也是爲一桂公

雪

崖冰崖翰林後父子兄弟同朝堂

雪崖冰崖公兄應官貴州布政使參議

側聞莆中歲致祀冰崖公像人弗忘翰林尙書有手訓

儲弄寶墨誇琳琅六桂芬嗣興福里八景詠傳竹嘯庄

冰崖公有集唐竹嘯庄八詠載冰崖詩集

南北迢遙十餘世聽音望遠同穀

梁甲申持節來嶺海粵海正接閩海疆廣文一冊手示

我昨秋艤棹端溪旁幅幾三十世數十族衍于宋承于

唐螺江釣翁畫錦各錦袍高唱槐花黃補闕而後派分

六秩然昭穆臨冠裳法曹

二桂公

少府

三桂公

失墓本尙待

訪舊歸緜緜清江清浦卜宅後忠孝經濟兼文章連翩

數幅屹眉宇磊落骨鯁雙顴方醉庵冰崖各有贊贊皆

自作詞清蒼匪徒簪笏炫黼黻要信品望如珪璋紙色

熒熒精彩動笑顏藹藹庇蔭長慈孝都如一庭聚詩書

貽我萬丈光

冰崖公竹嘯庄詩云惟底文光長萬丈有人高步在瀛洲

昔時閩粵兩

襄敏後先德業遙相望粵襄敏公族尤盛居于潮郡于

揭陽賢哉廣文能世守播遷所失猶珍藏昔藉冷官莫

厭冷校士於此吾家常

醉庵公訓導仁化冰崖公第六子南壺公教授肇慶須知

勤苦起誦讀如彼稼穡謀耕桑一經一籟孰肯構再命

三命思循牆吾祖廉吏清白極兩世孀守茹糟糠小子

至今未能報不待展冊涕已滂募諸絹素供家廟拜告  
洗爵筵焚香如承家誠凜家範庶守無射垂無央

白雨

白雨瀉暮簷榦榦真銀竹夾以斜陽明逾於暑時溽或  
云離火作中虛陰所伏不宜黃宜白早稻聞粵俗日色  
雨曰黃雨諺曰白雨所以春先夏雲日雨相觸上有層  
宜禾黃雨不宜禾藍天飛泉下鋪玉急鳴敲圓捲蒸勢撼高瀑四山成對  
雷珠箔垂一幅余坐崧臺頂時吸海氣綠

七星巖和王朱二先生韻

峽西山漸平蓄秀賴陰崖爛爛電影出蒼蒼雲氣鍾天  
帝昔鷗酌百神此虔齋通明紫微座錯落白石階臭聲

合於漠於穆明德懷神光離又屬鐘鼓笙磬諧開陽暨  
搖光作作以次儕瀝湖遂以挹旱乾水無乖中央周四  
宇五嶺一氣偕

右竹垞韻

橫雲雖平凝轉側忽成石誰記帝所夢熊想鈞天射乳  
柱垂龍鳳雲霞張幕帟穹窿敞圓蓋真氣滿大宅南北  
互啓閉陰晴迭主客不雨翠自流萬綠森羽戟俄墮月  
半環水蕩嫫媿魄俯定九曲穿前瞻兩門闢上到含珠  
逕亦復無珠跡白光自止止玉洞花霧積神靈意向闕  
孰測流形澤琳琅叩金牡宛委探玉策讀之了不識翠  
墨紛前席

右漁洋韻

次韻內子春日藥洲見寄

合將于役思縈君洵美登樓佇望勤苔竹依然蓬遠逕  
阜螽可待趨成羣異鄉時桀添千夕二月茶棉綠幾分  
牡蠣牆陰畫欄外簾虛偏易雨聲聞

三洲巖三首

飛飛蒼玉乳凝結自何年霧隱千盤磴雲生一綫天  
艸花纏紫蔓石臼墮青圓已在春陰外琤琤忽響泉

一名玉乳巖

破屋樵人宿坳堂古衲迎洞寧須戶闢竈漫以丹名荒  
穢齋厨具喧啾鳥雀鳴了然無梵唄蒲礪木丁丁

巖有仙人

竒哉破壁去玉局勒蛟龍綠蘚渾無跡飛桃更幾重紹

興書最勁上蔡墨猶濃莽莽空山雨虛涼獨倚筇

舊有蘇題

石壁劈去失所在惟存皇祐二年補無擇題名又紹興壬子浚儀趙慶裔八分書題

蔣健仔以所刻尊甫晴崖公書薛文清讀書錄

石本見貽

忽忽二十年一堂亢與鯉龍江來握手側想聞詩禮吾  
師闡道功紹先斯後啓深切見行事此理此源委景行  
者誰歟河汾薛夫子昭昭羣聖心萬古道如砥望道豈  
不遙發軔誠自邇

用文清詩意

撥翳開迷塗深衷蓋繫此要

義垂千秋精氣飛十指蒼茫通路濱夢寐河津水况我

追談笑風雪渺庭几中郎書尙在鹿洞規軌擬猶記夕

照寺脫巾瓜豆底

戊辰夏與君論文城東今二十年矣

再題天際烏雲帖九首

定香橋漫觀真迹鑒賞重來共濟明公憶錢塘葑萬丈  
低回二十四橋情舊見蔡忠惠夢詩帖蘇跋云此蔡君謨跋云錢塘有美堂前小閣中壁上小書此詩蔡君謨真跡也陳述古摹刻軾在定香橋野店中觀之

白髮每驚山鳥喚新黃初上拒霜尖相逢爲記跳珠雨  
玉笋非因絳蠟添

亂飛鷺鷥夢猶驚艸長江南映雪翎縱有金籠真放鵲

莫憑傳會檢禽經蘇詩去年柳絮飛時節記得金籠放

託詞也王注引天寶中雪衣鵲近日常

注引倦遊錄放崔鶴皆未見此墨跡耳

烏絲欄底袖圍紅中酒殘春又不同拈與五雲閣吏證  
三生小杜落花風

浣花溪頭雨洗塵玉局墨竹幾經春春雷翻石蛟龍起  
大有峨眉相對人

鑒書博士鑒裁密滿橐晴虹貫夜船非復徐家得偃筆  
似欹反正獨嬾娟

後題又感邵庵翁箇箇蘇門學士風五百年前佳紙在  
盡收心事暉縑中

誰從石刻覓精覓吳下西婦且未論枉費華亭比王畧  
黍珠難聚墨邊痕

何年姓篆燦瑤華一笑吾宗對客誇固合墨緣歸我篋  
閱人曩已似恒沙

內有翁字印  
六十餘處

三水至清遠江行五首



西南驛轉舟西北始自西江上北江水試巖泉潮漸落  
雨迴瀧石瘴全降微藍禺峽山千點小碧羅浮翠一雙  
明滅遠洲橫側見無多收納惜蓬窻

佛山夜滿市咻音甫得西樵霽曉臨厯下人曾託嘉號

荔支園只隔微陰白沙室儻藏書在

西樵山有白沙書院

雪乳巖

誰玉洞尋七十二峯溪九曲終須一問水簾深

三水家家習爲吏生涯多半在公門師儒那得漸摩易  
風俗居然學問存傍郭雨餘新稻麥趁墟月下散鷄豚  
江邊閑看茶瓜賣野圃清泉抱一邨

北來水壯侵堤岸往者恒聞吏歲修港泊晨還記沙尾  
舟人夜每看雲頭峽南百瀆源宵會夏淺三春漲未收

繫纜榕林逢縣尹沿江放糶最先籌

雨痕已漫白沙灘霧氣猶籠凝碧灣魚寨列如連島勢  
擢歌聲忽轉篴閒側聽援洞來飛瀑背指羊城借遠山  
看靄迷離水雲合固應信宿說潮還

清遠峽口阻漲泊舟三日得五詩

縈路滑一綫四山漲斗落沙氣渾渾黃不復昨岸脚繫  
舟亦不正倚木如杙閣木末看水雲葭葦竹相錯時有  
騎牛兒踏響雲光廓

晚山俄半晴返照綠邈迤雨痕變濛濛綠淺乃深紫凹  
凸影不定穿映來水渌水氣橫爲烟烟定聲弗止上蟬  
下蛙蛤誰辨烟與水釣筒響菰蒲嗟爾村家子晨食果

得魚邨烟炊亦起

炎風吹林麓四時藝州青毒蠱久已凋夏氣伏以寧尙  
聞俗磔犬禦毒去蝗螟今晨音徹午士女共一艇又非  
蠶家歌腰鼓扣之蓮村農學競渡黍亦秔葉形樸野良  
可喜何必珠江船

峽內峽包寺知名一小天寺門蘇釣磯磯俯於峽前儼  
如泊三日高處攬百川七十有二峯峯峯下瀑泉龍吟  
帝子奏虎嘯僧房眠明發當過之江定風帖然直上上  
三峽水駛不繫船

雨久農未妨江邨鼓簫盛晚晴江更白鑄出團團鏡衆  
山影倒來山山挂泉迸不雨而水增所以江力勁山復

淡夕烟徐合江光暝風涼遠岸笛月上昏林磬此時波  
不興下上一綠淨船人歌亦起靜與漁榔應月落水已  
殺露珠滿榕逕

舟過峽山寺不入寺僧以紙求詩因撮其尤資  
眺望者賦二詩

### 飛泉亭

亭在山半卽所謂淙碧軒也昔坡翁過此謂溪水太駛  
當於軒北作一閘夏秋水暴爲啓閉之節用陰陽家說  
寺當少富予初來遊見亭後石壁字隱隱寺僧指爲蘇  
跡予因有綠薜蛟龍之句旣刻石亭上矣及拓壁字乃  
明人八分非坡書也賦此以當改正

僧饑山少肉何與梨棗熟借問仇池泉巾笥蓄幾年迴  
合一寸燭吸海照百川轟雷濺珠玉寧區此亭前山下  
乃白雲山凹但綠烟君莫執一處有蹟說坡仙

帶玉堂

堂在寺西坐此則南馬三十六峯環列檻下

南峽峽皆山北峽峽則寺東西多少峯入寺都不記因  
借北峽戶時看南峽雲三十六翠屏有時鐘磬聞風吹  
七灣竹遂想二禺君玉鏡綠玻璃萬頃韡縠紋寺僧苦  
留客金碧看夕曛

舟上連州四首

半日二百里晚照江轉綠山忽西北去江亦與之曲西

江瀧江灘到此一小束江窄山益竒眼放舟豈促舟進  
風雨來四山濺珠玉

韶石復英石扣響四五春信否柳子言多石反少人前  
晨發凌江江綠一雨新人氣壓石氣不使徒嶙峋皇古  
奏箭韶我豈辨僞真但期播此意以牖于俊民我作廸  
和堂大字題八分韶州使院後堂那必干簫翟生徒萃僣僣首  
述曲江張歌詩繼阮陳次言聲必諧果聽翕然臻弁兮  
昔之邕習改占俗淳沿江樹如沐石際方出雲

南滇西北洸人家竝依阜茆屋與竹林田錯不論畝艸  
細沙亦柔潌折到洸口南楚之咽喉衡嶽路斯首甘泉  
東門字此石果勒否昔湛文簡欲於浚洸口立石刻曰衡嶽東門九曲湘上

帆湟水桂水受昔尉今也司職筦此察糾官閑民務勤  
岸岸罍梁笥來往鹽麻船簸動水楊柳

連昔繇廣州使者弗親蒞近年置使院三歲乃一至事  
少舟楫勞無取再三試自予使粵來五歲來已四豈爲  
山水耽掄材亦因地此地張宣公教人首立志上溯昌  
黎伯文章卽政事鍾美而去惡不獨一亭記奮乎百世  
下能者幾人致歌繁聽山謠訟簡訪州吏教惟前賢師  
記予舊題字

鈍夫久不作詩陽山舟中值其病起諷詩數夕  
却訊

酒腸無酒誰感觸不合槎枒吐石竹篋中雖有青琅玕

烟雨何如一江綠前年艤舟岸已夕半日尋山林轉麓  
蒼厓遺字摹紹熙凍雨誰從立崖谷歸來篷底意恹恹  
此段詩味留信宿苦拈格調千百家甘費膏油再三讀  
君看詩內亦何有不如默存時閉目病起可耐樊榭民  
盧橘楊梅酸未熟近聞頗覽廬徵君集也

鈍夫以樊榭詩來問疊韻答之

犀提無色聲香觸且莫徒尋竹垞竹近時家家王與朱  
但傳丹鉛眩紅綠法書不合從門入見過于巔乃臻麓  
虞山之派畫亦然耕南老人學石谷齊音吳音豈一律  
遠矣誰從叩耆宿君看臨清共王李唐十二家坐熟讀  
精華聲調竟何在溫伯雪子徒擊目卽離虛實了不關



自淪山泉候茗熟

達奚司空

司空之號冠達奚傳自象胥譯與鞮乘風來種波羅樹  
樹葉今與碑亭齊碑詞荒遠那復紀圖經雜述聊可稽  
玉茗老子昔作詠但道面手黑以鰲目盼歸舟手翳日  
扶胥廟口長廊西墟人香火客擁看想像咫尺川涂迷  
嶼舶萬帆打鼓去天影一鏡青玻璃兩株樹子響窸窣  
廟隅斜日風淒淒

望羅浮三首

差喜支篷處非因有約來相傳遊羅浮有約則不成今朝江雨過同  
在白雲堆紫黛合離影烟嵐近遠猜山中望江上亦借

綠痕開

只有濛濛意人家與釣磯寺門鐘漸起樵客逕猶非四  
百層泉落三千丈翠飛與誰叅畫理半面盡上聲斜暉  
蓬窻集金石著錄又三年未得斯深入編摩意闕然苔  
銘丹竈底雲篆鐵橋邊不曉山靈意終封抑肯傳

鈍夫要予臨厓鶴銘縮本先以此詩索和

戲鴻堂主嘗廓填借法內景黃庭篇吳興之品楊許蹟  
眷屬一氣皆神仙涪翁雖作松風夢入宮祇召非談元  
橫歆自放李展筆大字胡獨推此賢羽化有銘事本幻  
況從筆勢追翩躚昔之一石今枿五陳太守竝張王傳  
不知幾十百寒暑敗葉積又枯萍纏龍地秋湧海門月

旌節夜墮茅山烟長洲中允汪文運作圖以寸折尺片  
楮邊收之巾箱界之冊我因側想黃庭妍神似形似辨  
毫髮汪臨董臨孰蹄筌潮陽聽潮正秋午日談文字非  
畫禪側理橫膚水紋漬糝糊何處尋言詮從君試覓語  
一轉千卷堆案如蠶眠

江瑤柱

馬甲詠韓子密丁錄吳曾吳蓋歲貢紀韓實南食憎自  
從坡老來味格審淄澠果特荔支比魚並河豚稱海濱  
名角帶柙網家家登那復椒橙芋亦弗汗駢矜羹羹食  
經繙矻矻江賦徵霜風起江海蜃雨吹雪冰簾閣又晚  
涼七箸當秋燈夢隨刺舫所碧擁沙尾層

得內子見月寄懷詩却寄二首

予滯舟車久那知時物變屈指昨發舟涼月始如扇乘  
彼風露氣落我梧竹院艸蟲噤何處蠨蛸戶已徧苔色  
深成積池光白于練闌干十二曲海綠搖一片  
已見涼月升況有秋風起驕兒添袂衣布衾縫裂裏南  
州雖復暖朔節亦有始夜長識凝露晨寒知汲水盆池  
櫟花側洲石榕蔭底日歸曰曷時更約望舒指

和韓短燈檠歌試嘉應諸生作

今來秋夜漏始長昔來春夜晨易光提携秋夜憶春夜  
靜院更殘吹燄涼我亦寒燈記疇昔書堆矮榻吟遶牀  
多少轅門鵠袍客敗葉打衣風策策囊空飢鼠齧線穿

露冷凝華照星白無譁拙思未曙前漸掃細字成蠶眠  
書史紛綸墨酣恣碧海鯨魚若翡翠心知此意有幾人  
魚目誰能便深棄

早發龍川嶺

風出兩泉口泉落風轉急修篁夾溪來巨石儼人立村  
家赤崦谷鷄犬藍田邑時見採樵人穿烟事巖汲藍關有

題黃默谷雜畫六首

樹與水烟合山從雲氣分前山未了墨又作後山雲  
呂紀意誰得鷗香派不同踏枝欹未穩渾是畫春風  
山雨石邊屋溪風葦際船日應茅屋客溪上聽潺湲  
大癡哥鐵篴吹出衆山青衫袖忽潏起白雲橫翠屏

漲餘渾不辨畦塘何處萍來帶藕香一片魚唼蛙蝷叫  
濛濛澹月入昏黃

好鶯聊寄耳底用寫清真扣戶孤村際遺經下筆親一  
僮籠乍啓三折妙來臻不復記老子何知有道人山陰  
轉閑暇江左照精神未必虞餘表能將此意陳右軍搢  
梁虞餘  
論書表

十月十五日遊惠州西湖六首

湖堤細欲無東盡上綠一綫迴向道士宮疑是山影轉  
址蕪望湖樓沙失天泉院道人爲指點孤塔時隱見蒼  
然千尺柏四株蔽深殿反迷吞湖光遠白近蔥蒨空閒  
道家字摩挲青石片元妙觀後石筍上八分書  
蓬萊二字相傳白玉蟾蹟

堤盡湖又起舍車乃就舟背指漱玉灘前問點翠洲青  
黃夾老葑橫直蒼雲秋葭葦笑語聲銓艾婦子謀聽到  
第三橋漁網紛未收鰈子小于葉點破碧玉流網舉果  
得魚盆貯來船頭何人看此景遠凭烟際樓

何年永福寺牆與講堂連盍取兩祠並昭忠更景賢景賢祠以唐子西楊文節文信國王文成諸公與周元公合祀表忠祠舊名孤忠祀明王御史度

背郭沿堤路豈殊前岡後嶼勢非孤灣環葦浦兼花浦  
裏外豐湖又鰲湖寺下亭中一烟雨塔三橋六不模糊  
韓紋參錯闌干影仍合玻瓈貯玉壺湖心亭同鈍夫分韻得湖字

搖入水香處花深捧

御書

御書樓廣東提督王文雄恭建

滿湖涼翠起淨几過雲初橋

斷沙轉碧巘橫窗更虛集鷗渚左右點綴有村閭

白雨點飛西嶺西雲自荔浦穿菱溪雲流雨作月轉出  
萬景爭湊蘇公堤我從堤右轉堤左左右燈影紛高低  
雲濃雨注視月淡動搖光與燈影齊此時湖光白于練  
斜烟橫霧無端倪公昔但詠四更月風枝露艸蟲淒淒  
安得雲水月又雨交此十頃青玻瓈淡黃吞吐走銀汞  
瀟瀟曲響滑滑泥雲烟水墨又一變西新橋臥橫虹霓  
蘇堤夜歸同心  
筠分韻得堤字

次答蘊齋茅田官舍見懷

羅浮翠羽我所思壇竹巖花自不知山寒地暖縣低處  
石冷泉飛月落時



樹端賦種竹詩有燈前今日醉還憶孝王園之  
句用其韻二首授之誦

滕上詠新竹先知問水源切磋滋長處日日望淇園  
論詩如種竹枝葉必尋源早晚琅玕實春風滿故園

文休承瀟湘八景冊

瀟湘洞庭誰所譜橫展三江渺三楚吳中才子憺延佇  
翠竹娟娟峯伍伍晶晶月忽冥冥雨雨雪泥塗變洲渚  
荒寒寥廓不可數君山一點綠何許岸芷汀蘭如欲語  
將誰遺兮遠愁予卽離惝恍以襟貯躊躇極目又容與  
偶然餘情落毫楮盈盈烟黛但秋浦

題吳水雲畫二首

詩家詞意那能盡白石道人煩強名直愛溪山畫不得

雪蓬烟櫂太空明

剡溪訪戴

雪壓昏林未放晴水灣梅已一枝橫前村尙少樵人過

磧底珊瑚拉瑟聲

灞橋尋詩

### 十二月十日雨發廣州二首

頑陰迫冬暖積氣催春融洩雪迴旗脚倏已東北風釀  
雨五十日小圃蓄鬱蔥登舟澹水烟點翠猶濛濛沙際  
新年光又倚短筇蓬禺山一夜綠飛注西江中

病肺苦喧啾城市琛貨地嶺西佳山水欲以涼思致椎  
魯雖閭閻蓮脆豈文字泉流衆巖響感氣亦以類兩岸  
樹如沐蒼然發生意去年春雨痕石髮搖晚吹

羚羊山寺

東江亭不見峽勢自迴環古甃僧持盃空林虎守關雨  
昏青石片天削碧雲灣童子榕窓裏應知客看山

舟中雨寒

粵冬諱言寒勉強不肯凍積陰于空際濛濛以氣送海  
氣從地底黥慘與江共尙不知作雨滿蓬覺霧重俄頃  
綠瘴痕漬下黃篋縫舟人仍赤脚厲作篙櫓用滿江沙  
艸石浩浩響方縱岸轉頑無風首路陽春洞

新興至陽春五詩

新興水至淺褰裳擬凌亂轉因有舟楫始覺湍石悍春  
州山漸奇未到猶散慢峯峯石戴土却立不傍岸近覺

遠色籬沙水影渾渾江落木不落水艸綠相半篙石風  
水聲終日在叢灌

縣尹苦訟牒力培祈俗淳今茲晚田穫喜及一雨勺岸  
距縣十里接畛田與村地非濱鹵斥歲可資取陳荔支  
圃隙處日日無游民農暇弦歌起歲晏祝里仁

輟棹晨登輿舍車晚就舟竟日不百里弄水看田疇今  
午開澹陰竹風始修修坡陀照村落日色散犬牛白烟  
如蒸饋山暖瘴未收高下山百轉村際俄江頭

江流激沙紋山亦聚沙起翹翹厲節角戢戢駢首尾龕  
戶與堂密忽不知起止又非復石勢烟霧乳雲水百千  
層漸分嵐青夕陽紫寸尺倏尋丈離立虛無裏縣南空

同巖面勢方此始

陽春多巨巖空同稱最奇我昔雖未入來往屢有詩聞  
古鳥迹書嵌于綠玻瓈壁色忽金翠雜花擁瑤芝一壁  
數十級周子祖侯題自獲此題字常夜夢到之巖凹南  
巖寺尙有至正碑暑天風雨夕終擬龍潭窺

陽春舟夜二首

寒山遠燒紅閃閃漁舟漁火時一點千重翠岫靜如瞻  
一道空江起微瀲澹月半規吐峯背大木百圍架厓  
岸高雲細石轉欹不雨船頭露珠颺

舊舫舊榻來今三暑夕詩誦虞邵庵篝燈却幕邵庵帖  
灘響亂聒食葉蠶寒宵江湖凍雨霽殘歲礪壑春風酣

蓬窻欹側路俯仰石閒水線我已諳

陽江至電白三詩

季冬如仲春沙暖艸細柔水宿雙鷺鳥宛然識行騶  
塞帷借林陰滌場茲晚收從來理人術兼以地勢謀山村  
佔畢子況未廢勅勸糴鹽爭寸晷擔囊敢卽休晚雨憇  
講舍愜然廊廡幽

電白始望海綫影白明晦今晨雲而風四山陰薨薨不  
知片日光何由落山背蓊萇烟中影皆與溪斜對半日  
竹簾上幾跨田稜去聲內涓流亦海汊亂響聽石碓尙非  
春漲時沙遠潮力退前山翠微半飛湧泉落佩

昔來手遮日今來仍弄泉歲晏就溫暖不改泉泓然暖

意洩地底石脈滋海壖陽冰與陰火回穴誰執權石轉  
氣陰陰風迴響濺濺一條澹白脈橫隱于山前午陰日  
復出蒸霧黃滿川掬泉先滌研寫字又檻邊

熱水池和壁間譚古愚觀察韻

白馬塘邊晚始涼烏泥岡下午如湯人來半日成迴眺  
地氣窮冬轉發揚民靜吏閑煩採訪稻垂麥仰相陰陽  
新年澤漫山渠起一夕春聲遶寺堂

復初齋詩集卷第七

大興 翁方綱 正

藥洲集六

庚寅春至七月

廉州使院廳事之後新作小亭名之曰延青三首

屋後有亭先受月石間無水亦流雲不知海上烟嵐影何似庭中藻荇紋

西窗挂起送林鴉澹澹藍天洗碧霞要領春陰旬日意東風爲拆石盆花

二月新陰七載經東風雙眼爲誰青翻嫌海角亭寥廓捲幔重來借此亭

海角亭在城西



發廉州二首

來往廉州值晨雨不虛海上賦春陰珠場浦外雲初合  
荔子花邊歲又深水氣魚鰕挑菜渚艸香孔翠踏青林  
火耕廣斥方經始葺屋人烟在半岑

亭椽多事集蘇書更集生徒唱和予海郭春聲滿沙浦  
蠻歌曉聽起山畬東風浩浩窮陬入小雨冥冥奮蟄初  
悵望野陰天萬里獨來媚學子褰祛謂馮生  
敏昌

雨

郡吏行春慰歲功初陽早洗瘴烟空沙村綠出潮痕外  
野水青迴蜃氣中涇重未分藪艸霧聲多先夾菜花風  
濃雲芳樹穿輿去已與城隅望不同

馮生執虞文靖詩來問語多契微予與粵士論  
詩七年所未見也昔曾讀學古錄于此用韻寄  
蘄石蘊山今復用其韻以示生庚寅二月六日  
合浦道中

馮生生似非欽州能讀典墳索與邛上春就我春海上  
孤亭四瞰借小洲郢人要看斤斲迹利器肯但誇刃矛  
生才發軔便萬里且須開習轍軫收是午雨止風修修  
俄湧碧浪騰陽侯茫乎萬象焉雕鏤就其可見索其幽  
所以邵庵學士語一一頓若庖解牛近人學李學韓杜  
皆向大復空同求粵則三家復五子便爲通國之奕秋  
藩籬堂奧較離合精英渣滓何去留蘇黃而後詩未盡

借問砥柱誰中流生今筆力與年富洞然前路從我遊  
杜韓泰華與江海所必假此爲車舟仍必讀書勿貌襲  
請看晉帖唐雙鉤

雨用前韻二首

萆撥苗收一溉功蘆葭葉捲半溪空斷雲吹落林烟外  
急雨傾翻稻氣中傍水田夫識雌霓極天海道駕雄風  
潮泉呼吸山雷起始是笙鐘萬谷同

艸芟溝蕩廓除功穢淨膏流仰太空禾有已占春歲歲  
壤殊豈別下中中誰知優渥非農力我借霑濡卜土風  
二月山蠶破繭出村村擊鼓灑漿同

早發遂溪道中二首

膈膊海上鷄夜半驚客起五更濃霧中  
恍穿蜃樓市海氣與霧合飛輪出其裏  
萬山靜如睡忽變丹綠紫濃霧乃非霧  
濛濛滴成水

廉州向雷州大海西一角我從西折南  
手解雲氣駁翠壘與烟邨邐迤度堦墻  
邈彼孤島際望此去天握一綫百屈盤  
半日看種稻

雷州使院舊題七本刺桐書屋扁并前人  
繹圖題字皆失去而刺桐亦傷於颶旣重  
題之而作是詩

昔我來題刺桐樹恨不二月來看花  
今年來此恰二月却佇題處空咨嗟  
屋旁牆角堆敗瓦土囊席捲餘空窪

東風後圃雖又到舊株返綠猶未芽翻憶昔看刺桐葉  
枝枝翠影吹暮鴉蜃雲如葩照晴夕糞田卜粟燒晚畚  
沙海濱不借布穀叫但有耕候推田家花時田家以為耕候鹵芻  
瘠土最勞力人慣樸陋安無華隰穢石留去聲氣沁茹可  
少潤澤資天葩山雷夜送南磧雨春衫欲換方目紫窻  
虛聊借片霧捲海濶且要微陰遮新圃百弓屋十笏磨  
墨新几占新極直須花自我催發他時映屋蒸紅霞

刺桐旬日已有綠意

春風逕路熟不擇院深淺枯槎吹雨後又復吹積蘚閉  
門遂十日日宿陰捲氣頑木堅瘦潛入於何辨我懷  
則確然且命菑翳剪澹垂霞外天青滴海際巖循牆鳥

迸發背屋欄影轉却來昨立處土潯沙漸軟野色湖上  
來家家事新畎

題吳水雲畫十二首

予久出世士峯巒不在多縱橫藏艸隸皴法竟如何  
深谷靜如笑暖雲濃不流迷茫一紅影無可著漁舟  
山雷響萬壑礪石計耕鋤正是茅簷下春江二月初  
浩浩一帆正蒼蒼萬里開水從雲外落人自日邊來  
昨宵山澤氣吹滿鳳凰枝不是春波里空窓讀易時  
白鷺一行去落霞飛鏡中采菱歌斷處渾是柳絲風  
細影粼粼石空涼激激泉山深百蟲絕前礪忽橫烟  
或自寒林弓曠然披北風從何得山勢上秀下能豐

畫山

上秀而下豐郭  
熙評營邱語

脫却米家派天然鵲突圖濛濛開鄂渚杳杳見蒼梧  
對岸已秋磬半江皆晚霞應知滿船客閑羨一行鴉  
秋在遠天末雨來疎樹根欲尋磐石坐更要遶前邨  
前日踏雪去欄枯橫折冰何如小橋上活水綠層層

雷州西湖疊舊用蘇詩韻

荔子長未齊綠皆在稻中鰕民撈魚鰕射鴨關竹弓竹  
葦刈亦盡所以湖更空稻偏湖之北堤轉水若窮一折  
小閣南有堂懷坡翁  
懷坡堂明成化間郡守魏瀚建白搖亂雲影光抱  
垂虹雄是日積雨後空涼乃無風前對夕陽寺何假南  
屏鐘二十五萬丈亦豈區井終遶田資灌溉利及婦孺

童更倍三歲前寶釵劃鸞龍繫我來何功但攬烟水容  
可笑此郡士不媿文不工但祝西湖平結此一畝官相  
有西湖平狀元生之語郡人因構書舍於湖上顏曰平湖

曉發南渡復疊前韻

十里果海勢一片晨雨中積風纔尺帆已飽成張弓風  
復挾雨氣捲霧于半空茫茫一痕青極島誰能窮昨俯  
湖上閣空憶玉局翁更高仍有亭氣與湖爭雄可以望  
遠海一視犇紋風苔逕未捫蘿荒城倚暮鐘潁濱著書  
處東樓卷未終至今遶湖尾弦誦餘兒童面面水照郭  
時時礪吟龍已見鹽可煮誰謂刀不容郡民漸勤業樵  
漁逮百工渡旁紛竈戶雨過開牛宮



河酌亭詩

坡翁得泉後三年乃名之我因泉識亭亦以三年期今  
又三年後乃來和公詩泉味無減增酌茲還在茲棄列  
而就甘二泉一不治夕汲復晨滿少取乃衆施昔於公  
何繫今於我何私誰言味泉處有異濟詩時

檳榔

嚴冷空將面目譏膏粱藜藿兩忘機未知儋耳舊居士  
何似丹徒一布衣比景陰餘新月上無柯林際晚風微  
柳交薛志誰分別說與黃家笑忍饑

左太冲吳都賦檳榔無柯注引薛

荆楊已南  
異物志

椰子

東葉孤莖結實勻厚膚圓殼墮餘津已教釀酒仍爲榼  
多事成冠又漉巾李忠定有椰子酒賦張于湖有椰子  
榼詩蘇文忠文定皆有椰子冠詩  
竹屋古時聽雨地蠻歌春月採花人黎田邨接灣沙港  
麪熟桃榔及取陳

儋州載酒堂今爲東坡書院丁亥秋作歌刻於  
堂側庚寅春復書虞文靖二詩以貽司訓梁曜  
石次其韻

茲院因茲堂思人不怠樹諸生朔望來拜揖席與昨琅  
然玉琴聲風送時出戶海綠春空雲容裔屢低下雨畦  
長檳榔豆食羹藟雖由勤苦積正視規條具良士所  
以憂日月畏其除

公昔來勸農夫豈黎民私居然望有秋聽者信不疑海  
南沙土潤雨露本易滋但有侯芭覓不必淵明詩亦不  
必黎舍茲堂定於茲况彼洄酌處城畔與并睂堂是人  
則非所宜深三思

題五指山圖

定安崖州兩莫知黎峒黎島誰駢枝流光曜陰比景外  
以海記里推得之焉得巾箱辨毫釐大荒山經祕所遺  
邨文莊宅亦蕪莽晴天影倒海一支

文莊居近  
小五指山

和朱子齋居感興二十首

并序

方綱三至瓊始得明成化癸巳豐城涂副使棐八分書  
朱子感興詩方石柱於學宮後牆下而敬和焉時將遷

學是日周視廊廡堂舍拜蘇文忠卹文莊海忠介三祠  
循柱讀之故韻非原次乾隆庚寅四月一日

炎精宅南離大海控交廣問津七寒暑校士三還往敢  
爲今人師緬焉前哲仰觀海觀聖門大路本昭朗一十  
四庠序壁和珠象罔登高一以攬百峒平如掌

元化無端倪亦在形氣中聖智去條理焉借窺始終雉  
豕或角羽坑谷皆律同軒轅九奏聲所以昭羣鸞

炎洲孔翠羽乘氣弄天機不有紫脫食焉傷元圃飛豈  
自炫文章託止義無違亮非抱貞固安得恒光輝鵲帶  
垂之餘鵲綬蓄之微勿言限秉賦材篤理同歸

池上合抱樹舊已矗雲出何區後圃植瓜疇及禾役檟

椰子花秀發滿南國培根而竢實人力何由畢君看  
萬鍾穫那復一漑跡冉冉徑寸莖日漸凌屋極

茲堂慶厯年藝艸始芟夷繞之榕和杉結實日離離上  
下庠千人就業偕于茲生黎亦草面感愧涕漣漣皇天  
賦純粹性本潔璧圭苟竭洗滌力焉畫才地爲舞雩與  
曾蒧瑟歌及孺悲大哉聖人域知行其庶幾

夫子昔作記語不外求已餘焉皆糟粕瑣瑣不足紀貌  
言視聽從仁敬孝慈止充天地萬物盡詩書執禮表裏  
如此堂源委如此水此理宅此心萬世胥一軌

記文勒淳熙豐碑挂乾坤三百年之後又勒邨公文公  
亦匪以文筆勢自雄奔上攷古禮圖遺轡三百存下言

學舍制二齋循一門嗚呼豈紀此所爲民行敦

今復三百年南交暢南訛

皇化霑無外弦誦日已多鳳凰翔碧樹應律當如何爾  
有孝有德矢來遊來歌

寰海何茫茫稊米太倉省藹焉中處身潛伏思錦綢礪  
谷或危墜康莊孰馳騁所以補經義條目又綱領西山  
四十卷微言彌煥炳天地之塞帥藹吾胞與境

公後作賢相此書其本根小五指山側聞有賜樓存

莊大學衍義補成明公擇白石庵松篁幾晨昏時有山

孝宗勅公建樓藏之

文莊藏書石室  
舊在學宮後

中人片石拾荒原  
祠昔景賢名瓊山附眉山今也歸三祠竝峙於北關蘇

公暨海公前後心共丹夜月笙鶴來海風吹羽翰聞風  
易興慕絕學嗣則難今我拜祠下拾級奚卽安

聖人一言動括五行三綱弟子仰而書恭儉讓溫良如  
何羽獵手點竄雉山梁曹褒荀勗制何啻燭火光偉彼  
河汾叟高論牛谿疆養正明進退藏用玩飛翔問王知  
道補七畧安可方

齊論問王知道二篇見劉歆七畧

後來著錄家勦襲

言敢昌勤哉學的編匪擬游夏張私淑有曾門此意獨

奚傷

邱文莊編朱子學的以擬論語曰吾擬有子曾子門人也

聖人重剛德所戒爲欲封海南海公出千載振遺風信  
義直如繩鷗擊視羣凶當時朝廷議譽與比干崇石坊  
竟流血正氣蟠青穹公昔教南平不務文翰功忠信廉

潔似剖別私與公大書鹿洞規士無地可容乃知出處  
節一本諸晦翁育德有本性利用於發蒙

鳳儀覽千仞驪珠照重淵不假載酒堂何況浮粟泉符  
黎諸孫子賁蘋祀其先暮雨洗枕椰春空綠木綿昔造  
鄰塾處載書初慨然萬古日南夢破屋燈火牽

五峯嶸高指抱此炎離光瘴雲罩有無誰辨峯低昂瓊  
山白如瓊位與城相當祝融浴百寶積氣何煒煌淵源  
何人寄徙倚兩廡旁蜿蜒實鍾秀誘掖慙多方

御碑歎考試用覺羣智愚俾惕若降衷捫此靈且虛曩  
舍四面開海雲片翳無環池達堂室晨興夕步趨逶迤  
千聖溯坦蕩萬里途在前近可覲豈必存諸書



郡方議遷學伐木市碑材相宅堂與基一簣初以培勿

倚地勢崇勿詡科名開

郡人吳璵初入翰林

典器勿可襲舊式亦

勿垂積榱起閣厦細壤成阜魁

小阜曰魁見周語注

匪工之度之

誕我士勗哉

化工甄羣品陶鑄無定方蘊隆熾炎薰中已含微涼感

物驗滋息徘徊矚虛堂萬籟咸自取大言肆蒙莊聖門

乾乾訓執中自禹湯感彼川上言巧筭安能詳但增新

故溫焉懼晝夜忙日邁月斯征跬步慎趨翔

陟山仰萬仞臨淵俯千尋前瞻渺逕隔後顧懼塵侵浩

乎萬萬古攝之此寸心化神非可幾閑持詎難任獨立

海氣涼松檜露滿襟我欲瓊臺樹盡化為瑤林

鼓鐘羽千簫是皆聖人言卓爾道體立淵哉德容溫守  
默固非寂文辭豈爲喧萬派支不岐一鏡瑩勿昏再誦  
齋居作始知阮陳繁習禮此側者從此探本原

城月驛壁自和前韻

微逕取葭竹輕衫換苧蕉漬雲低路重片雨去人遙詩  
屋茅三架廉泉水一瓢今宵山驛夢還聽海康潮

重題松明書院二首

樓上拜蘇樓下宿何堂何地本忘詮無端萬斛引松籟  
遶屋四山飛夜泉

館人引水護庭柯且喜炎天得蔭多雀乳露垂桐婀娜  
竹花雲暖鳳婆娑

黄梅雨歌試高州士作

丁亥仲夏賦梅雨甲申仲冬賦梅風今來由冬又轉夏  
霏霏七載此雨中此雨炎精熾炎氣霑沱不與江湘同  
禾須白雨忌黃雨苦則害稼甘則豐日穿微黃雨漏白  
過雲暴勢殊分龍水火濟乃火雨降五行倚伏于蘊隆  
高雷之交利晚稻異廣宜夏瓊宜冬海氣騰湧地氣應  
併主蔬果鱗蠶蟲吾聞雲氣與水候各有占法比律簡  
隋經籍志雲氣占一卷又王文簡  
龍蜀餘聞載無名子水候占一卷震霽霜霈暨雲霽相  
厥攸協區霽霽古語以梅紀時節周處記配風俗通前  
推立夏後芒種庚壬金水相始終四時纂要閩人以立夏後逢庚入梅芒種  
後逢壬迎以三月送五月我今來往農非農良苗良耜  
出梅

載戛戛旣渥旣碩期  
芄芃麥芒水接瓜蔓  
水灌溉蓓蕾連枝叢  
蛟龍盛漲洩潤溥卉  
木結子加青蔥江天  
湛湛霧黯黯風絮滾  
滾雲蓬蓬他時園林  
儻有實敢曰培養  
今之功迴廊佛桑映  
紅綻衣袂已衰新陰  
濃小堂題字志月日  
黯苔四壁簾濛濛

予新題使院後堂曰培養

### 西施舌十韻

得詩風雨夕涼閣又三年  
揀自霜羸淨分來雪靨圓  
千絲勞越網萬里乞去聲吳船  
那逐鴟夷去無煩瓊瑤箋  
濛濛烟霧質森森島沙連  
香過春潮捲歌翻午夢牽  
北人輦轉效南食類仍編  
比玉江珧貴傾城荔子憐  
膏腴託尤物時節準加籩  
酒醒月星下鳴薑新脫泉

午日觀山同姜星六馮魚山兩孝廉用登字二首

不識嶺崑有幾層亦非雲木卷蒼藤中間宛轉庵相導  
萬綠如無逕可登石磴鳥翻深翠氣僧房人語畫船膺  
晚江鑄出團團鏡高下迴欄面面凭

山臨鑑江

逢山傳會說飛昇玉井丹牀次第徵守虎田猶治  
奉控鸞嘯漫接孫登沿江簫鼓晴和氣遶郭桑麻遠近  
塍林雨欲來巖靄合只無點罽著炎蒸

電白道中三首

露螢遞開闔風蟬自軒舉泱泱礪水鳴咽咽艸蟲語後  
岡嵐滴翠前岫雲聚乳莽蒼大石間綠霧曠吞吐田澤

蓄未盈昧爽氣煦煦理策上脩坂中途屢迴佇歧彼文蔚者韜養待濛雨

仲夏風露淺未旦及氣滋地底沸如湯驅過熱水池莫使人氣雜斯取夜養斯南礪百艸香迎陽弄葳蕤陵岡擇丹霞俯汲以默思鴉鵲籟未起獨聽樵斧時

鼃蜩亦未鳴稻區半黃青時見三折水斷葦涵明星蕩蕩野渡濶巖口取微冥沙戶犁未停村火窻猶熒負戴者誰子役車上遠陲豈知勞者思折麻感微馨緬彼邛中琴倦此野際萃孰云翫迴轉得展耳目營

五藍驛雨二首

一夕枕簟涼海氣颯而入四窻如浮動萬壑乃呼吸陽

江上端江迴瀾勢所及萬里之飛流瞬息海皆立雲屯  
西峽重雷殷南山急日出艸木香前礪襟袂挹  
晨曦抗驕陽積溽遂爲霖冥冥鬱奔峭渺渺淡平林雲  
過岫已合樹黑田又陰山頭百泉響秧下及尺深我從  
秧際塍尋到泉之岑復攬芄蔚氣和彼涓溜音

宿陽江七賢書院二首

扁其堂曰淑性

昔往榱桷治今來砌墉完吏人乞我題泚筆懷敢安此  
邦教士術斟酌濟猛寬所貴因質導亦不僞寬難縣南  
旣瀕海復錯島灘內外皆民居間複以岡巒稽古限  
聞見度材孰爾般今爾嚮前修於薦新荔丹  
祀唐李衛公宋胡忠簡諸取仁在近思致用非遠觀所以扁此堂期爾志必  
賢

端六禮與八政具訓於士官秦源當水湄魏誠及河干

小樓望驛外淦淦山雨寒

七賢復七忠後堂額忠勇

祀明隆慶辛未萬厯甲戌平倭寇諸死事者

幽州

碑誰書楚些殤則奉是何與講習亦用增枰棋斯民攸

好德顧名義輒竦宋家張太傅死豈要邱壟島上及邨

中兩處爭枯冢

縣志云張太傅墓在海陵島平章山而黃文裕所作祠記謂赤坎村有張公墓

蒼茫感異代始知倫紀重一寸赤心血萬古讀書種所

關涵養深匪在意氣聳節情而淑性戒慎懼將恐入門

翔宜端執經立必拱堂廡雖咫尺安步無躡踵且從義

耨深不獨詞源湧

遊崆峒巖用石上吳雲巖前輩韻



吾聞司馬注並河上公何以識是北荒戴斗之崆峒

以

崆峒爲北斗下山本

爾雅釋地對丹穴又殊道錄傳虛空

司馬彪莊子注

誰將仙居品第四攷据溯自黃巷潼

山有碑稱爲第四崆峒

陽春

陽岡萬尾脊千幻百怪堆寵嵒屈蟠融結脈到此意匠

巧出煩神工石筍上攢乳倒挂洞戶在外雲居中天成

龕厂匪丹室亂流瀑布成翠虹金漿玉髓外內合日精

月液東西通倏如帝所來鼓鐘杓建衡殷芒熊熊蔚藍

垂光抱鴻濛得非果有廣成宮青蜨綠蓋朝上穹虛皇

霞珮飛璫瓏

道藏歌云綠蓋協晨霞青蜨擲崆峒

司方之英發祝融離明

內景金水烘蘊蒸一氣出坑谷赫眙百寶生房櫳化人

巨跡誰躡影良常起艸爭銘功綠章雲笈不可讀始青

碧落焉知崇昔聞周子有遺刻豈稽軒后乘虛沖字在  
瑤芝綠花叢一壁高擬衡華嵩其側至今無寸蘚光射  
初日如青銅上蔡祖擇之廬陵胡邦衡二詩翁亦題傑句驚  
盲聾道人執火覓不得獵獵石角披下風森然陰寒栗  
僕僮洗盡九夏炎蟲蟲一隙忽漏斜照紅歸問洞外同  
非同

陽春舟中夜雨

洞外不雨洞中雨其夕飄出爲橫雲兩岸荔枝黑葉大  
肥梅蒸透離火斫竹樹齊作石泉響礧氣驅盡憤蟲蟲  
船窻側出鐘乳下燈燄搖蕩巖花紋

曉渡端江二首

春州水下三百里夜轉西江出霧葦亦轉西帆作逆勢  
一折迴瀾對沙尾中流凸起四邊濶江樓望之直如螳  
始知萬里所吐吞向來觸類能有幾

端州江截春州灘峽口隘對江口寬烟消雲湧日未吐  
雨浣熱餘江不湍此時城郭氣始動撾鼓船發已早餐  
星巖極北墨七點甫假江勢迴抱看

蘊齋寄湖州筆并詩索予近著石洲詩話用黃  
文節松扇韻奉酬兼寄象星

強筆端令辦弱紙腕力知慙褻絲似不見故人又一年  
十紙說方辱錢子

昨擇石書來論  
米元章礪紙法

端州蕉窻仍薄寒暮

雨映看端江山空青斷壁艸隸勢飛墮論詩舊檻閒

登閱江樓

我題簷桷俯長空積雨初開看斷虹  
七洞七星環自北三江三峽此之東  
層層岫接蒼蒼氣面面瀾迴浩浩風  
吹動前谿後湖綠墨花飛起八窻中

聽琴

七月上瀧水旬日每堂陰梅雨三江氣  
霜空萬壑音古巖聞詠泐嘉樹孰歌深  
月出風簾夜徒聽吏目琴番禺縣學生  
王健寒年九十九矣爲賦詩

幾見斯人塾序邊洞微嶺外記遺編  
古來鶴髮逢三代今我羊城駐七年  
耆舊流傳多故事里閭名字冠羣賢  
上丁上巳合弦誦孝悌家家更力田

次和中丞定圃前輩落花四首

江南春與嶺南春誰解西園寄一頻

見孔平仲清江集

紅杏海

棠紛漠漠昌華荔圃隔塵塵雲飛珠井蘿烟憶月冷梅  
關玉笛因處處朱欄吹綠雨四時俱是艷陽辰

堂堂萬片水流東元與枝頭未著同前事那成舟覓岸  
後緣豈有絮迴風迷離觸記聲香外來去循環解脫中  
道眼空明公認取肯隨時節賞匆匆

相馬追陪識九方桂英採又及槐忙拈來破笑維摩室  
掃盡歆紅宋玉牆翡翠千枝茗斂實琅玕五色羽收香  
沈寥高韻非柯葉自有孤根領衆芳

水光風力怯何由情性誰將上下求細艸閑園蝴蝶夢

空山明月杜鵑愁客來久坐煩頻數詩絆餘暉詎苦留  
大宋尚難離色相只誇金谷有危樓

七夕定圃中丞招看河燈二首

二湖涼思合萬柄綠烟搖花氣度深席水光浮晚橋鳬  
鷺蕩雲錦星月動秋霄蒲葦冥冥外時聞魚靜跳  
月轉小軒背雨迴疎樹根透迤落盃影高下驗池痕北  
渚層欄倚西風舊俗論萬家烟露氣笑語徹蠻村

甘泉宮瓦歌爲候官林道山賦

九鈐淨擣咸陽泥拊埒四轉無角圭胡桃油紋壓魏齊  
封膊度上周京躋得之石門山徑谿雲陽宮故池陽西  
彷徨師得轉棠梨三百餘里跨拱枅建元元封祈福禔

通靈通天切雲霓金掌玉露瑩玻璃九莖按謨靈華萼  
延壽之觀神所栖紫殿玉宇象斗奎以祝人主鮐耆鰓  
萬有千歲及令妻靈風拂汨移楊蹊玲瓏玉樹交馬犀  
照曜光景迴軫輓揚雄所以鉛槧齋上方大篆不可稽  
署書二闕蕭相題林曄觀字行鐙携五鳳甄幸逃鋤犁  
元光瓦又裴煜詆西京小史書赫蹏芝英氣候誰端倪  
後來俗書競驚鷄籀隸之本尋轉迷此瓦面作陽識鑿  
長生字勢無町畦水波雲氣橫鈎梯未化龍鳳風雨淒  
依然古囊盛綠綈苔蘚拭盡烟艸萋製如奩鑑光如礪  
蘭話堂中照然藜舊題冊滿萬圓驪五十研銘流墨澌  
林生襍被提小奚家學肯放篆格低摸十鼓字皆怒猊

笑我做作紙尾鷺鼠腊那必非懸黎

枕濤閣五十八研銘冊歌

紫微內史摹漢瓦

奎研銘篆云紫微內史臣佶

一月印出千蟾蜍上

下巖石東西洞五星七星羅斗珠方圓長短大小樣壁

池竹節蓮葉圖箴謠騷賦頌讚字篆隸章艸真行書琢

研者誰顧孌子附銘者許

遇翁

嵩黃任

余旬內史說研

乃非研歐公六一其一吾紗帷晝暖溪夜凍作石奚與

作研殊玉靈之食鑑之液出入未易分賢愚故將蒼茫

真率意與石相遇于古初裝之作冊研不知呼之欲出

研在乎真手不損研不壞淋漓元氣一字無莫作枕濤

冊子看研史之號果有諸案頭墨花忽飛立紫雲峽起



松風呼

復初齋詩集卷第八

大興 翁方綱 正三

藥洲集七

庚寅八月至  
辛卯二月

偶見施愚山集中題趙文敏畫少陵戴笠僞詩  
因爲此

世人知杜咸以詩杜公自言寸心知寸心所知竟何物  
輪囷鬱律空瑰琦歲暮景短西閣上五更雪殘北望時  
魚龍風雨變泱泱江天星斗影倒垂趙公天人何處畫  
區區一笠筇一枝涪翁應覩君形者滿堂亦寫大雅辭  
次韻定圃中丞監試院中中秋和法陶庵先生  
之作

海雲淨捲荔陰移月桂分明落子時  
鏡水無風魚不淪  
珠胎著露鶴先知  
嘉賓式宴歌周雅  
畫戟凝香替左司  
玉尺冰壺渾一色  
樓高已就看潮詩

送同年李承亨通判曹州

十載書名上

御屏廿年射策記

彤庭霜風桂海吹  
襟憶夜雨梅州對榻聽岱郡疆連皆  
禮樂澹臺祠古更儀型詩書要借山川發  
夢遶曹南疊嶂青

陪陸耳山宗人簡玉亭民部登鎮海樓遊六榕  
光孝二寺三和諸城座師韻二首

海天奇氣入憑欄，紫碧珊瑚間木難。  
雨過蠻雲蒸晝熱，風高蜃霧起秋寒。  
扶胥渡口排銀浪，浴日亭尖轉赤丸。  
更俯重洋八竈拓，九淵百寶瞰鯢桓。

化羊石那問，初平筆授軒。  
猶訪穗城古，逕來聽風葉響。  
秋池但有縠紋橫，卓泉錫果新潮應。  
步屨人寧怖鴿驚，銅塔輪邊拾沙礫。  
摩碑剔蘚到元明。

吳平瀾水雲圖用王龍標齋心詩韻

誰言蕩精鬼，花露交蒙籠。  
一一照物役，大宇形氣中山。  
深石自寒逕，虛乃無風浩。  
乎受烟月澹，與未著同蒲榻。  
積鉛槧，如何一掃空。

許才江牆暄炙背圖三首

廿年許渾千章溼官舍江干又海干正要飛騰跨鞍馬  
使君可遽恐風寒

暮雪程庭陪久立夜霜姜被穩新栽青蟲滿院瓜棚底

記得蓬門爲爾開

君季弟受業於先子

把袂論詩穗石濱四時庭際暖如春不知北戶開何用  
訊爾看雲白晝人

附原作集杜

大興許思緯才江

秋水清無底天寒霜雪繁蟻浮仍臘味江上憶詞源

崩石欹山樹高蘿垂飲猿我衰更懶拙炙背近牆暄

題明中吳諸賢扇冊八首

文衡山已下凡三十四人

平時老守溫州住識得危身奉上人成就兒孫百年計

閑居文物冠儒紳

烏衣鎮口洞庭東  
林屋支硎菊氣通  
尚有白頭人倚閣  
萬峯杖底起松風

畫學包山嗣白陽  
小吳軒到石湖莊  
一家籀隸藏鋒出  
脫盡丹青更老蒼

馬糞何傷賦馬鞍  
漫言盧李共登壇  
未將大令臨神女  
肯假滄溟附建安

嘉隆而後吳風盛  
妃白抽黃漸又多  
當日何曾論氣格  
蕭疎小筆只嵯峨

相君葯圃記前賢  
未得瑤華一例編  
夜月梅花元墓院  
春風燕子白門船

練裙襪几日清新漸到青溪社裏人若準元和劉柳例  
袁黃子弟總天真

三十年間閱勝流山房玉磬響山秋方瞳綠髮挑燈後  
又見青羊寫扇頭

仇十州上林苑圖

我昨手摹上林瓦夜夢果見亡是公當日刪取竟孰是  
忽而廣大生虛空不知潦濁自何入滾滾直蹴渭以東  
藍田谷抵霸陵綠會合涇瀉漭與灃北遶黃山帶五柞  
繭館柘館尤龍嵒珊瑚樹照樛木觀鴛鴦水唼葡萄宮  
闕豬之車出投獵司馬賦作先揚雄襟江陵河市原野  
殺聲四塞橫秋穹鐘鐘樹簾浩呼洶豈羊白虎豈不熊

離宮別館轉閑寂，層樓門掩縱枯楓。靚容曼飾日窈窕，  
倚欄盼立雲溶溶。精靈欲語歌舞外，似假菅藁誇窮通。  
弄田亦假鈎盾意，水衡租出內府充。詔于有司贍氓隸，  
安得盡入登眺中。司馬賦所不到處，置酒歎息思何窮。  
水光鳥影一虛碧，秋扇吹動迴欄風。餘址黃門罷憑弔，  
未知英也何感同。簿錄虞官尙填咽，經始將作初青紅。  
廛林參差秦代植，丁壯仿佛袁家僮。不寫荒涼毀又復，  
蓮房菰米烟露叢。

題耿覺庵觀察小照二首

影一背  
道人

目溫伯雪轉成喧，下上山根與水源。雲氣往來濤響谷，  
桃椎豈是竟無言。



藉茵前度夢何如玉佩秦箏事有諸幻境了然無覓處  
只應記得永師書

內子生日雨亭鄭君爲畫麻姑圖用內子韻二  
首

不求米化丹砂術只擬先求作米方案上清齋無異饌  
餅中隔宿有餘糧

狡獪煩他老畫師評量海水淺深時他年一閣東華側  
却卷江湖人小詩

唐平楚尊人讀易圖三首

舌舐手一編其應在屏嗣段家著天咫不獨盈虛義  
或或澤潤木濛濛山出泉春雷二月底曉雨七巖邊

隱非希谷口疑漫決唐生迴復白雲起蒲窻梧竹聲

送馮伯求入都

半年隨研席七載問堂室與子適大路此願蓋難畢子  
實雄傑姿奮起欽嶺峯所學識其大真氣日沈鬱窮年  
守茅茨一日膺薦拔十郡月笞兒聲吹沸天闕往者年  
十九氣與銅馬匹作賦弔新息已具渥洼骨果然詠驥  
句試席高硯硯天駟超天河詩名壓全粵我求粵人詩  
上下揆得失土音騷賦音相雜非一律千年一曲江不  
得併邵謁宋之余崔李後孟賓于出是皆非專家源委  
究作述迨乎明南園才藻始竒崛前後各五子間亦根  
經術亦又執格調甘受王李沒勤哉香山翁復奏箭韶

關梁黎歐在門未及深聞發近時號三家豪氣彌蕩佚  
繩以律和聲豈止舞僭侑聖人於教人有始逮有卒紉  
箴與佩鞶早自童子日滄瀟淳母義內則備纖悉母傾  
聽跛躄毋放飯齒決灑掃應對事根本性情物是以六  
藝論先於羣經說石渠諸老師不止口義詰砢砢引條  
理徐徐待穿穴三年通一義三十立可必豈無性敏鈍  
要取功充實所貴於文字卽天理天秩中誠外斯應其  
發若機括收之方寸眇放則溟海濶必深探力取知先  
後本末子臥窮海畔有才誰汝竭及爾遊大都又親名  
場熱季春別家日拜母肯違膝端江共舟途每說常鳴  
咽到秋拆家書驚聞弟天折三日不飯羹臥似病兀兀

文字雖強作應舉非所悅金風闌乙榜半夜報倉卒避  
人但淚滂手自以巾抹是皆我目見非猶譽詞筆是皆  
子實學不爲羅卷帙方冬偕計吏北上日諏吉且當培  
松筠何但掃軋苗宦海人海地春風浩噓拂慎持金入  
冶勿輕膠在漆吾門有謝生天琢金玉質十年遊詞場  
聞道若飢渴至今營困屢尚遲刈捥栗汝往試與友相  
觀歛於密離羣難久居吾歸指朞月凡今媚學子孰肯  
勤匡弼同舟皆泛交況彼學未達饒生亦舟中與爾氣  
誼豁示以我此詩共讀宜戰慄

江孟亭喝月圖

詩落杯中不知處飛上青天捲烟霧孤光一道海氣涼

萬象繽紛皆却步鬱勃淋漓爲誰怒仰看屋梁嘆遲莫  
區區東家八萬軸攬拾豹鼠方箋注

孟亭名浩然嘉興人注朱竹垞詩

題水墨牡丹卷二首用卷中韻

墨紫

養花天氣杳誰因霧意纔收雨意新倒暈臺留深夜照  
紫金蓋妬淡粧人三秋傳著根頭接十日低回葉底親  
子母詩家誇潑墨天彭已隔一層春

陸務觀天彭牡丹記云紫繡毬爲紫

花之冠乾道紫色稍淡而暈紅出未十年潑墨者新紫  
花之子也歐陽永叔洛陽牡丹記云葉底紫其色如墨  
亦謂之墨紫  
延十日之久

墨綠 名綠蝴蝶

人到花開如蛺蝶記和綠黛映窻紗枝頭葉底不知綠

酒影燭光皆是花舞態春迴金谷樹飛章夜下玉皇家  
肯緣洛譜無名字漫向思公小閣誇

朱文公遊畫寒詩墨蹟卷借公韻

風月要人看潭溪與雲谷萬古青山青晚對一間屋時  
初結晦庵白雲嘯也獨鳥飛南磎石簾捲西崖瀑屏山  
白水閒書紳緬遺牘未筮遯初爻復初且歸宿空山託  
雷轉靜臥以寓目蟄凝冰凌兢春破卉芬馥消長非文  
字假寐時借讀一掃注誥釋梁邱京弼肅覺來亦何有  
山鐘響飯粥前堂未雨雲忽與後軒逐清湍旣環帶彎  
碕亦迴復仙洲匪航賞密庵豈邁軸紫微老人書瘦掣  
蛟起陸石壁艸隸勢空涼灑梧竹旦晝而夜氣天籟吾

何惡後梁

克家

前有胡

銓

交贊彈冠沐履霜於陰始大厦

誰一木爾日已測微鼎折餗之覆三年後拜命十載先

僕僕九考四十日澹沲水一旬况彼林栗輩營營坐庸

碌沛乎塞天地看此珠萬斛晝寒安在哉寺空松柏禿

題候官林氏摹刻玉枕蘭亭三首

蘭渚書摹蘭話堂藥洲客弔葑洲藏

廖瑩中號葑洲

又看仿製

林家研白髮蕭蕭顧二孃

林氏研多吳門顧大家製

誰教博議辨尖纖勇爵功勲報最嚴留得笙歌水雲影

千年燈炮照風簾

薛石刻寧攙定石梅花版更換松花蠶頭曲腳封紋樣

小隸風流自一家

舟發廣州

五問凌江雪七轉羊城臘  
旗風新陽動船尾陳跡踏我  
懷鬱以紆如水遶百匝城臨  
萬石源孰爲真響答旣推  
映溪篴仍下看山楊午潮從  
西來陰景屢噴欬空涼彩  
翠氣不敢以襟納羣嶺相低  
昂層雲遞開闔暮烟浩搖  
颺但指西南塔

峽山寺和蘇韻

我胸無宿物矧此南北灣  
二禺去千載尚留想真顏青  
巔風雨夜碧海笙鶴還老僧  
睡不醒驚潮撼柴關虎飢  
猿亦嘯鏐鎖響空山遂疑欲  
飛去萬籟然諾閒收之跌  
息定一峯一礪環仍坐帶玉  
堂衆綠排煙鬟



南雄食韭寄內

疎疎晚風香青青東湖韭登此南食盤我客嶺下久麪  
細勝枕櫛土風同牢九芼之羹蒿短又及初春首前年  
氷雪晨憐子泊江口不爲庾郎貧轉成予顏厚東湖芽  
向黃尚待水楊柳地氣此太洩沈吟倚欄後

予京師居東湖柳邨

南雄守張蒙川以其祖東海翁墨迹卷見贈用

黃詩觀李西臺艸書韻報之

近代艸書推擅場三宋名遠接李楊雲間書派自二沈  
後來最著武部郎奚論顛張及禿素筆力凌宋兼跨唐  
枝指生蹟傳或過罕此力出仍鋒藏鋒所未及力已及  
竹石槎枒山雨溼古篆屈鐵刀錯金海波掀翻老蛟立

梅花嶺下一笛風瘦骨盤盤破春蟄當時不獨書絕塵  
重開此嶺公手親公手種梅又種竹其蔭行人貽後人  
三百年後嶺下院覓公舊句吟哦遍海天一線俯大荒  
層空墮下飛雲涼江聲劒勢眩不定淋漓飄落我錦囊  
公孫來守粵民喜風月何減南安堂

楊琴研歸大庾四年而復來南雄舟中賦此贈  
之如前送詩之數

空江風氣逼新蒲前度霜痕落晚蘆殘臘光陰又迴轉  
晏溫刈穫且疎蕪心交淡漠貧非病戰閱紛華道故臞  
賸欲與君觀息法炷香萬籟一跏趺

四秋竹屋松窗下所得寒泉凍雀音藥性君臣宵候火

書聲兄弟旦同衾重來客路追前夢聊試閑居印此心  
一一發揮沿棹處葦灣簪磧又雲岑

上春理心堂六首

以下辛卯

動靜有聞覺宮商無古今空山春雨後宴坐獨樹陰豈  
爲衆人耳寥寥感我心異乎笙簫簧山水自清音其前  
音堂水清物情慚茂悅習俗辨浮沈吾聞桓譚論理心而不  
淫

曲江領六邑一水通諸瀧居民近岑水礦業雜耕糴鉛  
錫計歲緡利配鹽穀雙涵田或瘠薄鬆土勤杙椿已見  
兩浮虹政平視徒杠關津此啓閉譏察商賈吮東西達  
武水上下連滇江處處曉市聲杼機和夜窻

童子五百人比句效詩律升階使徐行且要其儀一秀  
者趨來前節以笙琴瑟上丁上已茲中呂夾鐘佾我觀  
弟子行稍覺氣中實出虛蒸成菌分判誰得失剛簡弗  
虐傲耿耿尚難必

東坡變莊言地籟作天籟正如和陶詩鏡影俱不壞靜  
勝境自生響徹虛空外萬象入豪髮但與繩牀對爐香  
渺一縷春空翳烟靄舜石鏘如珮韶江環如帶

識曲聽其真此語難共語黑白苦分明在彼吾何與一  
一圈臼枰聲理有歸處攝之枝策間奚論瓦金注春陰  
淡未開溟濛不知雨新鳩鳴屋脊正要養花絮

是夜四山氣濃掩聞韶亭韶石三十六出雲石更青九

功九歌聲溥暢助淋冷昏陰而萬綠際曉開我櫺誰言  
扣大音羌獨遺寸莛雷動蟄蟲起日出艸木馨

午發韶城六首

芸芸以聲會始知各歸根我懷轉輕安風定雲吐吞駕  
言歷城闌淡與山水言簫鼓居民樂吾耳初不喧羊城  
酒肉氣想困如惔燔

重修何公橋我誦東坡詩又非何公式石欄隱金堤以  
舟並首尾隨水爲高低中開放早晚客船可東西我正  
當午到踏浪亂鳬鷺左右城市影搖動青玻璃風吹關  
渡旂渡口應鳴雞高臺倚晴空正綠對武溪

太守摹吳畫新石曲江像聞韶之古臺景行高山仰舊

縑蝴蝶翩舊碑礎與礮小字張仲碣唐刻蓋不枉曲江墓僅

存張九亦已無人知蕪絕墮烟莽登臺我八年及見增

基廣陷垣陸游題誰復好庵賞跋字又黠滅夢作前來

想況彼百篇橐遐晷後村訪九成臺詩境二大字放翁書方信孺刻信孺家藏放

翁手錄詩橐自題卷前云七月十一日至九月廿九日計七十八日得詩一百首事見劉後村文

我曩摹蘇字揭之韶守居今年已望丹宛然蘇公書昔

人去已遠想像筆畫餘江海上星斗其氣猶夫初是以

每坐此攝志觀集虛池上扣韶石厥音應江湖益知教

胄理弗與諧尹殊片鐵兩行字古銅半缺壺以均準律

黍豈必皆樂書韶州府解有鐵點識云乾道三年歲次丁亥壬子月初一日乙丑勅差住持傳

法賜紫正覺了悟大師奉寧謹題隆興府都料游智文造又有明萬厯間知府陳大綸造銅漏壺一

三年議修學茲日翕然舉庶見秋祭時宮牆環百堵亦  
視先先至不爲新空廡弟子鹿鳴歌童者象勺舞孝弟  
端根本詩書蓄今古此堂由此門以逮房廊戶吾碑不  
能悉先語執斤斧

韶州修學予  
諾爲撰碑

始韶未知學今士漸喜詩此意吾深懼未必文獻師剽  
敘比靡嫚肇端問誰爲雖云智慧啓無能擴充之熙陽  
懷新苗遠岸聚鉉基皆言春漲後一暄良易治誰知勞  
深耨但歡雨及私

### 洸口四首

桂陽通桂海連峽接連山望嶽微分楚于沅遂志班村  
墟今一尉西北古三關何處區形勝居民綠水灣

漢書地理

志合池隸桂陽郡注  
云池水東北入于沅

滇與湟交合居然控上游山衙低水市茅屋夾清流瘴

淨千峯豁猿馴百峒柔何虞水淖弱戶戶力耒耨管子楚水

淖弱其民輕果

元祐書博士江頭遺跡存千年伐山石一尉壯乾坤墓

寫爲名誤流傳從俗論今人於小學已罕究根源

猶唱哀洸口遺風樂府詞偏方何事業霸史不虛欺水

國謳魚稻山牛兆兔絲降王作長去可比邵家祠南漢禹餘

宮使邵廷珣祠在此

### 賦得護花鈴二首

綠樹歌翻未動塵紅樓夢又靜生因枝枝裊裊聲牽想



箇箇離離影綴春啼鳥  
鶻泥前展逕捲簾側臥  
午醒人暖雲碎雨層欄  
遍寒食東風擘柳辰

女夷終夕透聲塵  
吹息何曾玉鐸因  
禁架微寒三月雨  
玲瓏小語四圍春  
更無傳信森嚴地  
倍有成蹊悵望人  
一鳥不鳴風絮定  
閣前渾是艷陽辰

張魏公列秀亭題字一石今始得之連州學舍

廢垣下賦此

我求此石今七年  
荒亭敗瓦空蒼烟  
齋厨垣傾講肆側  
幾載土覆枯蓼纏  
魏公心學本易學  
忠君愛物非語禪  
杲師塔石緬親志  
聞無畏法於徑山  
觀文學士永州住  
奉輿奉柩終始焉  
盡心之堂長沙記  
四德銘並三省傳

中表弟來省寒食從居但少周樊川韋編杖策罷遠望  
一臥涼雨青石邊臣父早時勗斧鉞臣兒漸能語聖賢  
資深養原箴處處況有媚學人來前後更有人冒雨到  
仰讀留題嘉定間公之精氣非筆畫猶立懦志貽荒蠻  
濯纓堂址故咫尺宣公大字何處騫當時父子共論說  
想見侍石聽山泉

心筠陵水縣解新構一齋予題曰停雲寄賦二

首

借問驕榮何自落凜然元不在清癯海天風雨溟濛外  
坐看烟雲水墨圖

只應默坐憶離居盡日穿雲望眼初偏乞艸書看變眩

潮聲半夜接扶昌

來書云近日力稍減故感及之

正月廿六日連州試竣謁張宣公祠觀州庠重

立魏公列秀亭石明人重刻宣公湟川八詠詩

斷碑依韻示學官弟子

我尋昌黎詩維舟感山水空復留釣臺有異規侯喜寂寥窮海上茫冒前哲意江潭寫淮記杏花新陰倚

坡陀舊城側窈窕帶迴溪泮池綠春初畚田間高低巾峯青似巾圭峯碧于圭廉泉濂溪字巉絕不可梯

公昔創八詠何減操枿龜終然能雲雨一展巖構奇娟娟谷蘭花乘氣順天機苟非葆心性胡能貞歲時

書堂有遺址資深與養原綠節抱冬竹紅葩吐春綿又

見北山柏濃黛上造天山陰作講院院猶榜南軒  
斷荒知肥磽汲深辨甘冽未識尚友心焉明昔人節按  
圖石則亡調說今可雪幾年廢牆下劒氣動星月  
韓亭亦張題落落映清泓書字不必工餘風蕩空明父  
子菰嘉植想見心和平枿櫨雖屢易俯仰有餘清  
湟入于三江不比漢導漾雙溪趨湘灘蓄氣何莽莽三  
關扼一線由來資澤廣豈必下淮潁方知瀾浩蕩  
古人耕且養一簣階巍巍三年而一藝所積皆瓊瑰方  
當謀鎡基未可暫徘徊盤渦集小礫萬壑鼓轉雷

燕喜亭次石上韻二首

八載三巡徧海涯仍尋仄磴倚枯槎文辭苔蘚煩重拭

理學功名本一家

張魏公宣公父子

從古修能堅過石此鄉科

第少于花借他亭子稱韓子空付遊人坐日斜

聲聲源合轉沿涯處處交流可貫槎高下諸亭因水勢  
溪巒百峒盡農家收餘油菜芽茶種開過山桃小麥花  
官不常來民更靜鷓鴣曬滿石梁斜

石鐘巖三首

景鐘無射一噌吰非是風水相薄聲昔來水入今水落  
木魚相答寒更清石門三層虵起伏瓊田太古龍所耕  
之而鱗筍出漿乳漩渦滴瀝乃滿坑

昔來陰夕風水急洞門老苔不可立艸長鼠竄蝙蝠飛  
今已驅除氣猶溼元明殘碑少可讀僧徒乞文記重葺

意在發揮鐘乳奇招致崔柳喧州邑

架巖屋自吳楚材

明萬厯癸巳

吳未屋處尤詭恢地形盤旋

偶凹凸神司豈果藏霧雷石鐘無鐘有嵌竇風氣拂拂

金沙堆洞前橫雲不可辨萬綠一湧峽口開

大鯉峽

黃大癡爲顧仲瑛畫唐人詩意冊子歌

噫嘻乎長風纖末真有道人在靈氣飛空叩真宰洪濛  
蔚鬱萬古開散作崑山白雲海道人醉後自不知吳興  
小趙旁誦詩詩聲滾滾入鐵篴孤山不要吾子吹蕩蕩  
默默不自得三萬六千頃濶秋淋漓烟巒天水大開合  
玉山山窗初拓時昏雲洩雨轉不奇千峯洶洶勢欲移  
銀河倒捲赤岸坼金粟影落青玻璃秋毫之妙非墨非

筆處沙禽水月虛無滉漭誰相期主人相忘客不計隱  
几不似人間世烟雲籀篆文字禪竹樹燈光風露氣合  
離竟以造物爲如此道人本非醉玉山山下花溟濛玉  
山山人亦在花霧中錯認道人詩筆響玉鸞翠尾搖秋  
風三十六橋秋色同非同

春泥行同內子韻

乙酉二月淘春泥已展一畝銀玻璃七春春生泥又長  
魚苗水下蘘苴齊呼童課隸具畚鍤擁垆水東到水西  
嗟哉惡艸豈足刈但念巡圃添新蕘六斗肯教泥一石  
我計升斗何栖栖牡蠣牆陰看春雨坐拾瓦礫謀菜畦  
漢書溝洫志河水重濁一石水六斗泥

題祝枝山和陶飲酒詩艸書卷

古人有不亾者存自不可名誰與論杳茫冥默齊得喪  
醉中強目爲清真孰爲仿佛可傳處艸書後出追胚渾  
此公又落作者後顛張禿素肯入門兩年風埃勸京國  
一舟回向寂滅言當其無物出萬象磅礴鬱積軒乾坤  
世人信耳賞狂怪如觀醉舞驚翩翩孰知了然得自在  
遍現隨手起滅痕嘗見小字逼鍾傳外枯中腴常返淳  
何如飽喫惠州飯試借一一觀歸根